

آبونه شماره : هریر ایچون
 سنه لکی (۴۰۰) الی ایلی
 (۲۲۵) ، ممالک اجنیه ایچون
 سنه لکی (۴۵۰) ، آلی ایلی
 (۲۵۰) غروشد.

نسخه سی ۷،۵ غروشد.
 سنه لکی ۵۲ عدد در.

اداره خانه : باب عالی جاده سنده
 رشید افندی خائنده

اخطارات
 آبونه بدلی پشیندر .


مسلمه موافق آثار مع المنونیه
 قبول اولنور . درج ایدله نین
 یازیلر اعاده اولماز .

والله یهدی من یشاء الی صراط مستقیم

باش محرر
 محمد ماکف

صاحب و مدر
 اشرف ادیب

آبعون اهدکم سبیل الرشاد



آدره سی تبدیلینده ایریجه
 غروش کوندرملیدر .

مکتوبلرک امضاری واضح
 و اوقوناقلی اولسی و آبونه
 صره نومروسنی محتوی
 بولونسی لازمدر

ممالک اجنیه ایچون آبونه
 اولانلرک آدرسلرینک
 فرانسزجه یازلسی رجا اولنور .

پاره کوندردلیکی زمان نهیه
 دائر اولدینی بیلدیرلسی
 رجا اولنور

اوقاف الفامی ایلیور

جمهوریت غزنه سی یازیور :

« آقره ۱۶ [مخبر مخصوصدن] اوقاف قومیسونی حاضرلادیی لایحه بی برقاچ کونه قدر هیئت وکیلله ویره جکدر . استخباراته نظراً لایحه قانونیه درت ویا بش ماده دن عبارت اولاجقدر .

لایحه ده بمدما اولاده وفاق اتمک منع ایدیله جکدر . آنجی عمومی مؤسسات ایچون تبرعات پایله یله جکدر . قونی ده کی جلالیه ، قیرشهرده کی بکشاشیه ، آقره ده کی بایرامیه مستثنا و قفلیله ارزنجانده کی مستثنا اوقاف الفامی ایدیله جکی کی موجود بالموم و قفلر اصحابک ملکی اولارق اعلان ایدیله جکدر . اوقافک متولیلکی اولمایاجقدر . اولاده ویریش و قفلر جلسنه کوره صاحبک ملکی اولاجی کی همومه حائد اولانلرده ابلانک ملیه اولاجقدر .

لایحه اعظمی اون بش کونه قدر مجلسه کوندریله جکدر . »

کنجلی اهلله ایدیه نرملکر

استانبولده یکی انتشار اتمیه باشلابان « طوق سوز » غزنه سندده قونی ارکک مکتبی تربیه بدنیه معلملردن جلال بک طرفدن معارف وکیلی شکری بکه خطاباً یازیلان بر مکتوبدن :

« بوکونک صاف کنج یارورلری احاطه ایدن اخلاق تهلکه هیچ بروقت بوکونکی قدر قوتلی اولامشدر . کنج وجدانلر اوزرنده سقامت تولید یدن تلقینات مضره واونک پیروی اخلاق تهلکلر کنجک اطرافی یزغین برآلو کی صارمشدر .

سوقاق ، تیاترو ، سینما ورومان .. ایشه چوقلریزک اطرافی صاران قیزغین آلو! اوت چوقلریز سواقکک اخلاق بوزان مؤثراتندن سینمه مالردن ، تیاترورلردن ، خطرناک اکلنجهلردن وروماندن قورتارملی یز . بوکون اوردورت یاشنده کی برقیزک ویا چوجکک ییلدکارینی تحریر دکل ، تخطر بیله اتمک اخلاق نامنه نه قدر حجاب آور اولور . نزه چوجقلمیزک بکه یکريله مسابقه ایدرجه سنه صاتو آلدقلمیز کتابلرک ، آبیق ، صایق رسملره ترین ستون ایدر مزاحی غزنه لک استکشار اولنه حق بر راده یه و ان قسمی چیرکین و مفسد اخلاق رومانلر و حکایه لر تشکیل ایدیورکه محتویاتلری اعتباریله تدقیق اولنه حق اولورسه یا برحیات فحش ویا برحیات جنایتندن مالم بیرکین موضوعلر اوزریه ایتنا ایتدیکنی کورپیورز . سینمه اعلانلرنده کنج قیز و چوجقلمیزک دخوللری مانع فقره لر عکسی معنای مستلزم اولوب طوغریدن طوغری به تشویق مایه ننده بولنمده وقلب ممالکته صاپلانان خنچرلر مثابه سندده در .

۱- لاق اوزنده اکلزیده مؤثر و دائمی چیرکین فلیملر اراءه ایدن سینمه مال باشلوجه اخلاقسزلک منشای و منبیدرلر .

کنج قیزلرک برقا مودن بشقه برشی اولمایان حال حاضر جاتلرنده سینمه مالک تأثیرینی کورمه مک قابل دکلدر .

چوجقلمیز یتیشدیرمک وکنجلیک یچنده بولندیی تهلکه دن قورتارمق وظیفه سنی ادراک ایتش ایسه ک اونلری بوکونک ایکره یچ معلملری اولان سینمه مالردن وچیرکین رومانلردن نزه ایتلی واونلری یاریسکی صارب وچتین بولده بوروسمز یورته بیلک ایچون متین برسجیه یله یتیشدیرمک چایشمالی یز .

نیازومیلر هایلری

جمهوریت غزنه سی یازیور :

« تورک صحنه سنی جانلاندیرمق اوزره برحایه جمعی تشکیل ایشدر . — برقاچ کون اول تلغراف خبرلری آره سندده آقره ده « تورک تیاتروسنی حایه جمعی » هنوانیله یکی برجمیت تشکیل ایتدیکنی یازمشدق . مملکتزده حایه یه خاصه محتاج شیلردن بریده تیاترو اولدیفته کوره آقره ده وجود بولان بو مفید تشبکک بمنویله قارشیلانعه سی بک طبیعیدر . تورک تیاتروسنی حایه جمعی رسا تشکک ایلهمشدر . معارف وکیل محترمی شکری بک افندی جمعیته رئیس همومیسیدرلر . بک محترم بر چوق مبعوثلرده جمعیته اعضای حایه و فعاله سی آره سندده در . »

اسلام عالمی

مصر . — مصر احوالنده ذره قدر بر صلاح وقوع بولمامشدر . انکلیزلر ایسته دکارینی پایه حق قایینه یی موقع اقتداره کتیرمشلر و بوتون ایسته دکارینی قبول ایتدیردکن صوکره مصرده احوالک مجرای طبیعینه کیردیکنی سولمکه باشلامشدر . یالکز بوکونلرده توضیح ایدن رشی وارسه اوده انکلیزلرک مصرده تطبیق اتمک ایسته دکاری بوسیاستی اولجه قرارلشدیرمش اولدقلمیز ، بو سیاستی تطبیق ایچون فرصت بکله دکایدر . سردارلری (لی استاق) ک قتلی انکلیزلری دورت کوزله بکله دکاری فرصتی احضار ایتدیکنندن انکلیزلرک مدعش شدنی ابراز ایتملر و مقاصد استیلا . جویانه لرینی تحقق ایتدیرمشلر در .

آرتیق انکلیزلر ایسته دکارینی یامش ، مقصدلرینی تحقق ایتدیرمش بولونیورلر . بوکا قارشی مصرلیر نه پایه حق ؟ صیره مصرلیر کدر . اونلرک انکلیزلره قارشی اختیار ایده جکلمیز خط حرکت مسئله یی حل و فصل ایده جکدر . صولک پوسته ایلله مصردن کان غزنه لردن آکلاشیلدیفته کوره مصرلیرک ایلک دوشوندکاری و تطبیقه کال اهتمام ایلله چالیشد . قلمی شی انکلیزلره اقتصادی مناسباتک قطعیدر . انکلیزلره آلیش ویریش اتمه مک ، انکلیز اتمه سنی قوللانماق ، انکلیز باقه لرنده کی مصر یارلری کیری آلمق ، انکلیز شرکتلریله تشریک مساعی اتمه مک ، الحاصل انکلیزلره هیچ بر معامله ده بولونماق ، حتی انکلیزلره مصرک محصولات زراعیه سنی صانماق .

انکلیزلری چوق متأثر ایده جک و تجارت عظیم ضایعانه دوچار ایده جک اولان بولانی تحقق ایتدیرمک ایچون ادباب اختصاصدن بر جمعیت تشکک ایتش و خاقی ارشاده باشلامشدر . بر طرفدن خلق بو شکله منفی مقاومت تشویق اولوندی کی دیگر طرفدن مصر ضایعنی ایلریله تمک ایچون مثبت حرکتلرده ده بولونمده در .

انکلیز ظلمنه مقاومت ایچون الحاله هده مصرلیرک ترتیب ایتدکاری ایلک حرکت بودر . بالخاصه مصر قادینلری بک بو حرکتی تشویق

یکی تونس بکنہ مراجعت ایدہ رک تونسہ باہمی ایستہ دکاری اصلاحاتہ دائر بعض بیاناتہ بولونمشر ، اودہ بونلری قبول ایدیویرمشدی . فرانسرلرک بو اصلاحاتی تونسہ بر مجلسک تأسیسی تأمین ایدیویرسہدہ بو مجلسک صلاحیتی بر طاقم مسائل مالیہ یی مذا کرہ دن عبارتدر . مجلس ۴۴ اعضادن تشکل ایدہ جک ، بونلرک بر قسمی فرانسر مؤسسات تجاریہ واقصادیہ سنی ، بر قسمی دہ تونسہ مقیم قرانسرلری تمثیل ایدہ جکنندن فرانسر اولاجق ، (۱۸) ی تونسلی اولاجق ، بونلرک ایکیسنی حکومت تعیین ایدہ جک و دیگرلری دہ درت درجہ لی بر انتخاب ایله انتخاب اولونا جقدر ، فقط اوچی دہ یهودی اولاجقدر .

تونسلیلر فرانسرلرک بو اصلاحاتی رد ایدہ رک تشبثاتہ بولونمہ باشلامشر ، نہایت (ہریو) قابینہ سنہ مراجعت ایدہ رک مسئلہ یی نظر دقتہ آلمالریی رجا ایتمشلردی . موسیو (ہریو) مسئلہ یی نظر دقتہ آلاجفی و تحت ریاستندہ بر ہیئت تشکیل ایدہ رک عمیق تدقیقاتہ بولونا جغنی وعد ایتشدی . فقط بو وعدہ طوتولماش و بوکونہ قدر بو ہیئت تشکل ایتہ مشدر . بوندن طولای اساساً فرانسرلردن بزار اولان تونسلیلر آرمہ سندہ بر طاقم حرکات باشلامشر . تونسلیلر حقوق ملیہ لرینک مہم امکان طانیماشی و صاحب اولدقلری مملکتندہ هیچ اولمازسہ اورایہ کان اجنیلر قدر صاحب حیثیت و صاحب حقوق اولمالریی طلب ایتدکاری حالہ بوکا موفق اولامابورلر . طیبی بونک نتیجہ سی خلقک بزار اولارق ہرچہ باد آباد بر حرکتہ بولونماسیدر .

سوریہ۔۔۔ سوریہ نک استقلالنی مدافعہ ایتک اوزرہ آوروپادہ بولونان مشہور حرب ادبا و اکابر محریبندن شکیب آرسلان بک جمعیت اقوام نزدندہ وقوع بولان تشبثانہ دائر (قاہرہ) دہ منتشر (السیاسہ) یہ مفصل معلومات ویرمشد . موسیو الہک ویردیکی معلوماتہ کورہ سوریہ ہیٹی فرانسنہ نک سوریہ مانداسی ، انکترہ نک فلسطین مانداسی علیندہ پروستودہ بولونمش ، کرک (فلسطین) ، کرک (سوریہ) دن اجنبی عسکرلرینک کاملاً چکیلمہ سنی ، سوریہ فلسطین و لبنانک جمعیت اقوامہ اعضا اولارق قبول ایدلہ لرینی طلب ایتمشلرد . جمعیت اقوامک ماندالر شعبہ سی آجیلدینی زمان سوریہ ہیٹی بو شعبہ دہ مراجعت ایدہ رک پروستولرینی و مطالبینی تکرار ایتمشدر . جمعیت اقوام مجلسی (عراق) ک جمعیت اقوامہ قبولہ آمادہ اولدینی قرارلاندیرنجہ سوریہ ہیٹی سوریہ ایلہ فلسطینک عینی معاملہ یی کورمہ سنی طلب ایتمشدر . سوریہ ہیٹی درت سنہ دن بری جمعیت اقوامہ مراجعت ایدہ رک سوریہ اہالیسنی تمثیل ایتدکارینہ دائر وکالتنامہ لری حامل اولدینی بیان ایتدیکی حالہ جمعیت اقوام بو ہیٹی بردفعہ اولسون دیکلمک زحمتی اختیار ایتہ مشدر . مع مافیہ سوریہ ہیٹی سوریہ نک جمعیت اقوامہ قبول ایدلہ جگنی امید ایتکمدہ در .

ایتمہ لری عظیم براہمی حازدر . مصرلیلر بو اقتصادی حرکتہ موفق اولورلر سہ انکیزلری بحق اضرار ایتش اولورلر .

باقلم بو حرکتی ناصل حرکتلر و مقاومتلر تعقیب ایدہ جکدر .

ہندستانہ ۔۔۔ ہندستان اکابر مجاہدینندن مولانا (محمد علی) اون سنہ دن بری دوچار اولدینی فلاکتلردن ، انکیزلر طرفدن حبس اولونق ، نفی ایدلک کی مصیبتلردن طولای (دہلی) دہ نشر ایتکمدہ اولدینی ہفتہ لقی (قومرہ۔۔۔ آرقداش) رسالہ سنی تعطیلہ مجبور قالشدی . اخیراً مشارالہ بورسالہ سنی احیا ایدہ رک تکرار نشرہ باشلا مشدر . مولانا محمد علی کرک اسلام دعواسنک ، کرک ہندستان دعواسنک اک حرارتی ، اک صلاحیتدار مدافعلرندن بریدر . (قومرہ) حقیقہ مکمل برسالہ اسبوعہ در . (قومرہ) ی نشرہ باشلا دینندن طولای مولانا (محمد علی) ی صمیمیتلہ تبریک ایدر و نشریاتنک بر کاصلہ یہ اوغرامامسفی جناب حقندن نیاز ایدرز . مع مافیہ مولانا (محمد علی) (قومرہ) ی نشرہ باشلا دیندن سوکرہ بوتون ہندستانہ (بیامان) یعنی (بویوک والدہ) نامیلہ معروف اولان والدہ سنک ضیاع ابدیسیلہ ماتمناک اولمشدر . مشارالہ انک ارحالی ہندستانہ عظیم تأثرلرہ قارشیلانمشدر . قارلریمک خاطرندہ اولق کرکدرکہ مشارالہ انک قادینک مزایای حقیقیہ سی حقندہ ایراد ایتدیکی برخطابہ یی سیل الرشادہ نقل ایتشدک . آناطولی مجاہدہ سی اٹانسنہ ہندستانہ سیاحتلر اجرا ایدہ رک امانہ طوبلامنہ چالیشمش و بوسورتہ اوزمان محبوس اولان اولادلرینک وظیفہ لرینی خارق العادہ بر موفقیئتہ ایفایہ موفق اولمشدی . والدہ لرینک ضیاعندن طولای مولانا (محمد علی) ایلہ مولانا (شوکت علی) یہ اک صمیمی حسیات تعزیتکارانہ منی تقدیم ایتہ یی بروظیفہ عد ایدرز .

فونسی۔۔۔ حرب عمومی اٹانسنہ ضرب دولتری کوچوک ملتارک حریت و استقلالنی تأمین ایچون حرب ایتدکارینی اعلان ایدہ رک کوچوک ملتارک مظاهرت مالیہ و عسکریہ لرینی تأمین ایتشلردی . بو کوچوک ملتار آرمہ سندہ (تونس) دہ واردی . حربک ختامنی متعاقب تونسلیلر موعود استقلال و حریتہ قاووشہ جقلرینی امید ایدہ رک سونیمشرلر و فرانسرلرک نہ پایہ جقلرینی بکلمک باشلامشردی . حال بوکہ تونسلیلرک انتظاری بوشنہ کیتمش و بناء علیہ اورادہ ۱۹۲۰ دہ مشروطیت پرور بر فرقہ تشکل ایدہ رک تونسہ مشروطیتک اعلانی طلب ایتشدی . تونس مشروطیت پرورلری تونس بکنہ مراجعت ایدہ رک مظاهرتی تأمین ایتشلر و بالتیجہ بک دہ فرانسیہ عرض حال ایلش ، ملتک مطالبی قبول ایدلر سہ بکلمکدن استعفا ایدہ جگنی بیان ایتش و حتی فعلاً استعفا ایتشدی . فرانسرلرک مشارالہی استعفادن واز کچیرتہ رک تونسلیلرک مطالبینی قبول ایدہ جکلرینی سوبلہ مشلر ، فقط وعدلرینی تحقق ایتدیرمک وادہ سندہ هیچ بر شی یا ماممشلردی . مع مافیہ ۱۹۲۲ دہ فرانسرلر

انگلتره واسلام عالمی — انگلتره نك رأس كارينه عظيم بر اكثريتله
 كلن محافظه كارلك ايك ايشی حرب عمومی مشاركته سی متعاقب عظیم تزلزلاره
 اوغرایان انگلیز نفوذینی تکرار تأسیس ایتک ایچون تشبثات لازمه ده بولونقی
 اولدی . حرب عمومی بی متعاقب انگلتره نك شرقده کی نفوذینی صارصه سی
 نتیجه سنده ، انگلتره نك حرب عمومی اثناسنده ملتله حریت، مختاریت وعد
 ایتدکن سوکره ، بو وعدلی تحقی ایتدیرمک شویله طورسون ، بونلری
 خاطرینه ییله کتیرمدی . حرب اثناسنده انگلتره شرق ملتیرنک پارسه سی وقانی
 مص و بوضووتله هم اوروپاده ن دشمنلری، هم شرق ملتیرینی بیتاب دوشورمک
 ایچون حریت واستقلال کله لرخی بر آغ کی قولانمشدی ، شرق ملتیرنک
 کیمسی بالاخیاره کیمسی بالاضطرار بوآغه دوشدی . فقط دوشنلرک هبی ،
 انگلتره نك وعدلینی تحقی ایتدیرنجه ضایع ایتدکلری هرشی تلافی ایدمکچکلرینی
 تخمین ایدمک صبر ایدیورلردی . شرق ملتیرله انگلتره دن وفا امید ایتمکله
 زمیردن شفا بکلرورلردی . چوق کچمه دن انگلتره طرفندن ویریلن بوتون
 وعدلرک بردام اغفال اولدینی اکلشله دی . انگلتره نك شرق نفوذینی عظیم بر
 تزلزله اوغراددی . حرب همومیدن مظفر اولارق چیقان اک بویوک دولت
 انگلتره اولدیندن بر چوق ملتر ایستر ایسته من بر مدت سس چیقارماقی
 مجبوریتنه قالمش ایدی . فقط انگلتره طرفندن تعقیب اولونان سیاستک
 پاتلاق ویرمه سی امکلسزدی . مصر ، هندستان ، عربستان ، افغانستان ،
 ایران ، هب برربر انگلیز کابوسندن قورتولقی ایچون آفاقلاندیلر . هبی ده
 موهور حریت واستقلال تحقی ایچون مراجعتده بولوندیله . برر بر قیام
 ایتدیله انگلیزلرک متر ایوزلرینه وطولرینه کوس کره ک دوکشیدیلر . هر حالده
 فائل امل اولغه عزم ایتدیکلرینی کوستردیلر .

مصرده زهاول باشا ایله رفقاسی بوتون مصر نامه حرکت ایدرک
 استقلاللرینک طامخه سی طلب ایتشلر و بوطلبک ردی اوزرینه مصرده انگلیز
 سونمکوسیه ، انگلیز طولیری و مترالیوزلرله اطفا اولونان عظیم براختلال
 قویتمشدی . هندستانده ، غاندی ، محمد علی ، شوکت علی کی برچوق وطنپرورلر
 ظهور ایدرک انگلیز ظلمیه مجادله وهندستانک مختاریتی ایسته مک باشلامشدی .
 افغانستانده امان الله خان مملکتک استقلال تامنی قزانقی ایچون چاریشیوردی .
 ایران انگلیز کابوسندن سیلکتمک ایچون هر چاره به باش ووریوردی .
 انگلیزلرک مستقل ، صرفه بره رب دولتی وجوده کتیره جکلرینی تخمین ایدن
 هر بلر دوشدکلری عظیم خطایی ادراک ایدرک تلافی مافانه چالیشیورلردی .
 الحاصل انگلیزه قارشى هریرده برقیام ، هریرده برغلیان واردی .

بوتون شرق مملکتیرنه نمونه اقتدا تشکیل ایدن مملکتک تورکیا اولدیفنه
 قانع اولان انگلیزلر تورکیا نك قولی، قنادینی قیرمه، تورکیایی اهمیتسز بر آسیا
 دولتی سویه سنه ایندیرمک موفق اولورلر سه شرق واسلام طانی اک بویوک
 معنوی استناد کاهندن محروم ایدمک شکارلرینی دهاقولایلقه قربان ایدمکجه جکلرینه
 ذاهب اولارق وار قوتلرینی تورکیه به جویرمشلر ، ال چابوقلیله یونانستان
 تورکیا نك باشنه مسلط ایتشلر و بودولتی پاره لرله ، سلاحرله و هر واسطه ایله
 بقویه ایتشلردی . . انگلیزلر تورکیایی احما ایتمکله سطوتیرینی حد قصویه
 ابلاغ ایدمکچکلرینه قانع ایدیلر . حادثات اونلرک بوقناعتی زیر وزیر ایتدی .
 تورک ملت، دشمنلرینک کندی زنجیرله مک ایچون وقه ع بولان بوتون تشبثاتی
 قطنی عقامته دوچار ایدن برحیت ولادله محنه تاریخه برکره ده چیقادی
 وانگلیزلرک بوتون آمانی زیر وزیر ایتدی .

انگلیزلر تورکیایی احما ایتمکله شرق اسارت ایدیلرینه آفاق ایسته دکلری
 حالده تورکیا نك عزم و ایمانی قارشیسنده قطنی برهزمنه اوغرامه لری شرق
 ملتیرنک معنوی قوتی قات قات یوکسک لمتدی . تورکیا نك - حرب همومیدن
 مغلوب و پریشان چیقه سنه رغماً درحال بلنی طوغرولته رق میدان مجاهده به
 آتیلما سی، دشمنلرک کمه لک و وساطنه قارشى کلرک حیات واستقلالنی قورتارمغه
 موفق اولما سی حریت واستقلال عشقیله یانان شرق ملتیرنه تعقیب ایدمکچکلری
 طریق مجاهده به کوسترتمشدی . شرق واسلام ملتیرلی تورکیا نك کوستردیکی
 عزم وثباتی کوستردکلری تقدیرده ونلرده صبی نتیجه به ، حیات واستقلاله
 قاووشه جکلردی .

شرق واسلام ملتیرلی بو حقیقی ادراک و بو حقیقه توفیق حرکت ایدمک
 مجادله به باشلادیلر .

انگلیزلرک پلانی عقامته دوچار اولمش وانگلیز ایمراطورلنک یوزمیلیونلرجه
 انسانی الی الابد اسیرطوتقی یچون قولاندکلری وساطط خرده خاش اولمشدی .
 بومزیمتک انتقامی آفاق ایچون کیمه کوندوز چیرینان انگلیزلر، نهایت
 رأس کارلرینه محافظه کار برقاینه کتیره رک صوک درجه شدت استعماله نفوذلرینی
 تأسیس ایتمک قرار ویردیلر وفرصت کوزه تمک باشلادیلر

اوچ هفته مقدم مصرده بر انگلیز جنرالک قتل انگلیزلره بکلرکلری
 فرصت بخش ایتدی . انگلیزلر درحال بوتون وساطط تدهیشیه به مراجعه
 ایدمک مصریلرک کوزینی ییلدیرمق و بوتون مقاصد استیلاجویانه لرینی تحقی
 ایتدیرمک ایسته دیله . فی الواقع مصریلرک آئنده انگلیز وساططنه قارشى کله جک
 بر شی یوقدر . فقط مصریلر انگلیزلرک قولاندکلری وساططندنده قورقادیله .
 انگلیزلر هندستانده هینی شدتی تطبیقه باشلاچرق بر چوق ذواتی توقیف
 ایتدیردیلر . انگلیزلرک هدفی هریرده علیه مک هر حرکتی عقامته اوغراماق
 اولدیندن هیچ شهسز بوشدتی تطبیق ایتمکده دوام ایدمکچکلردر . حال بوک
 انگلیزلرک شدت استعماله لزوم کورمه لری وشدتن باشقه یاپه جی بر شی بولاملری
 انگلیز سیاستک مجزه دوچار اولدیفنه اک بویوک دلیدر . معلوم اولدینی اوزره
 شدت ، مراجعت ایدیلرک اک صوک چاره در . انگلیزلر بو چاره به مراجعتدن
 باشقه برشی یاپه مامقله استقبالی بوشدتی نتایجنه باغلامش بولونمده درلر . شدت
 سیاستی هیچ بروقت یوز میلیونلرجه انسانی باغلاهیجی یاخود بونلری صداقت
 حسلیله متعسس ایدمک برواسطه اولادیندن بونک عصیان اختلال تولید
 ایتمه سی قدر طیبی برشی اولاماز . انگلتره شدت وتدهیش ایله هیچ بر مملکتی
 خوشنود ایتمه جک، هیچ برملتی کندیسنه مربوط ایدمک به جک بالمکس علیه مک
 جریانلری اغلاق ایتدیره جکلر . انگلتره، آوروپا دولترینه سس چیقارتمه مق ،
 حتی حرکتی تصویب ایتدیرمک ایچون هرشی یاپاییله . فقط استعمال ایتدیری
 شدت وتدهیش قانبتندن یاقه سی قورتارماز .

ایشته یوکون انگلتره ایله اسلام طانک مناسباتی بوصفحه ده در . بزهر حالده
 حق و عدالتک موفق اولاجنی وانگلیز ظلم و شدتنک بک یالینده تباہ
 اولاجنی قناعتده بر .

آبونه لری هتنام بولونه قارئی کراطک آبونه برلرینی ارسال ایتک
 لطیفه بولورملری ویا آبونه ده صرف نظر ایدمکچکلرینی اشعار بوبورملری
 باخاصه رجا اولنور .